

左文襄公奏稿卷五十八

起光緒七年辛巳正月訖十二月

目錄

委員於天津保定分設軍裝所摺

甘肅臬司史念祖避事取巧請 敕護督臣查案參劾片
公務百牘應否借用兵部印封發遞摺

擬調隨帶各營駐紮 畿郊商辦教練旂兵興修水利摺
西餉支絀籌借洋款接濟摺

敬籌見調各營先修水利暫緩練兵摺

嚴禁鴉片請先增洋藥土煙稅捐摺

前赴涿州履勘水利工程商定修濬事宜摺

奏稿卷五十八目錄

覆陳涿州工作已可就緒情形摺

宿恙舉發請 賞假調理摺

請 賞假摺

病難速痊懇 恩開缺撤銷各項差使摺

委員履勘永定河上源擬伐石鑿渠片

仍懇 天恩開缺撤銷各項差使摺

覆陳增收洋藥土煙稅釐摺

病痊銷假摺

永定河下游工程告竣見正修治上源速期戴役摺

酌畱親軍帶赴江南并分撥洋槍片



懇 賞假回籍省墓并查閱長江水師會商上游布置事宜
摺

覆陳奉 旨查辦事件大概情形摺

恭報接受兩江督鹽篆務日期謝 恩摺

請調道員王加敏周崇傳來甯差委摺

奏稿卷五十八目錄

委員於天津保定分設軍裝所摺光緒七年正月十八日

奏為微臣路過晉疆委員於天津保定分設軍裝所俟防務大定

擬即移交直隸軍裝局存儲備用恭摺仰祈

聖鑒事竊臣自蘭州馳抵西安沿途疊接喜昌宋慶來函借領槍

礮并聞曾國荃軍營槍礮亦不敷用臣因滬局委員稟稱近因俄

兵肇衅各洋商公議停止銷售軍火以致各軍採購無出而甘肅

新疆軍火尙敷應用所購槍礮運解在途者應即改道移解直隸

以應前敵急需一轉移間兩無所誤遂飭湖北後路糧臺將收到

滬解槍礮仍折回滬由輪船改運天津其已解陝者并飭西征糧

臺改由山西解保定臣先委前署臺灣鎮總兵楊在元赴天津記

奏稿卷五十八

名總兵黃本富赴保定各設軍裝所司其收發一面咨行前敵軍

營聽候提用一面咨直隸督臣飭該府縣照料將來防務告竣此

項槍礮即畱儲直隸軍裝局備用至臣軍馬步所需軍裝器械亦

附入其中足敷支發合併聲明伏乞

皇太后

皇上聖鑒訓示謹 奏

軍機大臣奉

旨知道了欽此

甘肅臬司史念祖避事取巧請 敕護督臣查案參劾片

光緒七年正月

十八

再甘肅臬司史念祖才可為而性近浮猾臣因其年力正強每於優容之中時加訓飭冀其終底於成臬司衙門為刑名總匯之所史念祖遇有罪名出入鉅要案件每以外結及請

旨交部核議為詞意在置身事外規免處分臣屢次批斥并云似

此則臬司衙門竟成虛設隨時駁令更正而史念祖每以部議紛紜恐干部詰為詞不甚介意查外省刑名案件向於府縣擬議外臬司覆核轉詳聽候核定奏咨名為司看歷任遵辦無異史念祖於關係罪名出入之件每據府縣原詳申轉并不復加司看臣知

奏稿卷五十八

二

其意在避事取巧疊予駁斥因其屢訓不悛并嚴批應候查參史念祖諉為幕友所誤然問心終不自安遂詳請具奏

陛見以圖倖免臣以所請本照例之舉允之蓋亦料其退志已決

也比聞臣入

覲有期史念祖即先期北上昨於山西途次接其來稟知已奉

旨回任竊念甘肅吏事甫有起色仍宜簡拔賢能臬司有洗冤澤物之權尤貴得人而理孟子云及是時明其政刑先儒云天下拙刑政澈如史念祖之避事取巧有意迎合廢公事而壞仕風顧安足以語此應否

敕下護督臣楊昌濬仍查臣前案據實參劾毋以舊會同僚之故

稍爲容隱俾微臣無不盡之言則臣之幸亦甘肅吏事之幸也是

否有當伏候

聖鑒訓示施行謹 奏

軍機大臣奉

旨畱中欽此

奏稿卷五十八

公務函牘應否借用兵部印封發遞摺

光緒七年二月十七日

奏爲公務函牘應否借用兵部印封以期捷便恭摺仰祈

訓示事竊臣前於正月二十七日到京

陛見二十九日欽奉

恩旨大學士左宗棠著管理兵部事務在軍機大臣上行走并著在總理各國事務衙門行走欽此

天恩優渥感悚難名惟

臣

上年檄調馬步隊伍駐紮張家口聽調

及分設保定天津軍裝所均經奏明在案所有該各營局文稟應行批札一切公務及分致各處信件勢難停擱而甘肅新疆餉事

專盼各省關協解向由

臣

經理尙有經手未完事件茲雖職任攸

奏稿卷五十八

四

分遇有應行咨節各件仍難諉謝應否由

臣

單銜借用兵部印封

發遞俾免延誤之處伏候

皇太后

皇上聖鑒訓示施行謹 奏

軍機大臣奉

旨著照所請兵部知道欽此

擬調隨帶各營駐紮 畿郊商辦教練旂兵興修水利摺

光緒七年二月

三十日

奏為臣軍馬步各營已抵張家口謹擬調駐

畿郊商辦教練旂兵興修水利是否有當請

旨遵行事竊臣上年奏奉

諭旨該督此次酌帶馬步二千餘名入關赴張家口駐紮應俟抵

京後再行相機辦理等因欽此嗣後增調王德榜劉璈各帶步隊

一營北上又經奏明在案茲據前福建藩司王德榜二品頂帶甘

肅遇缺題奏道劉璈總理臣軍營務處鹽運使銜分省補用知府

王詩正稟報各率所部及臣親兵取道甯夏包頭歸化城一帶趨

奏稿卷五十八

五

程前進均於二月二十一日齊抵張家口擇地築壘一面請示前

來竊臣此次北行適接烏里雅蘇臺咨報聞有俄兵到境義難膜

視而相距甚遠哈密兼顧為難因與劉錦棠商飭王詩正率臣親

軍及旌善馬隊由哈密入關取道涼州甯夏歸化城一帶赴張家

口并續調王德榜劉璈各挑舊部一營同行以資厚集屬以沿途

遇寇卽擊事畢到防聽調茲據稟報均已到防以時局言之各處

防務解嚴此軍自應一律遣撤藉免虛糜惟區區愚忱有未能盡

釋者軍旅之事非學不精行列之才非歷練不出今之

禁旅雲屯固常講求訓練嫻習紀律矣若以久經戰陣諸將士雜

置其閒教以築壘開濠行路結陣諸法冀可祛其驕佚屏除法

以求實效除神機營本有專練之員毋庸議及外如建銳火器各營挑選年輕力壯兵丁陸續入營訓練臣當時赴各營加之督課以觀其能其一切章程應請醇親王詳爲指示以歸一律此練兵之大略也

畿甸地方年來旱潦頻仍雖經多方修濬尙無明效臣前由井陘獲鹿過正定定州保定入順天府屬房山良鄉宛平各境道旁冰凌層積多未融化其附近高地則沙塵沒轍或石徑犖确不能容趾人馬均以爲苦回憶道光十三年初次會試入都及同治七年勦捕捻逆經過各處儼若隔世不得水之利徒受水害竊慮及今不治則旱潦相尋民生日蹙其患將有不可勝言者治水之要須

奏稿卷五十八

六

源流并治下游宜令深廣以資吐納上游宜多開溝洫以利灌溉臣自度隴以來治軍辦賊而外力務爲此所部均南方農民素習工作而營哨各官又皆勤樸之選於分防護運之暇亦各以耕墾種樹溝洫爲課程上冬北行按視各處實已目覩成效竊念若移所部治順天直隸上游其下游津沽各處仍由直隸督臣經理通力合作當必有益其軍餉仍資之甘肅新疆不煩另款支銷於順天直隸并無所損此開濬水利上源大略也如蒙

俞旨允行臣惟當隨時與醇親王及直隸督臣順天府兼尹順天

府尹詳爲籌議或同時并舉或先後舉行斷不敢固執成見惟臣

軍由張家口移駐

畿郊必先築營壘始可分布應請
敕交醇親王籌度應於何地駐紮以便指示各將士俾有遵循是
否如斯伏候

皇太后

皇上聖鑒訓示施行謹 奏

軍機大臣欽奉

慈禧端佑康頤昭豫莊誠皇太后懿旨左宗棠奏請調隨帶各營
駐紮畿郊商辦教練旂兵興修水利一摺著神機營王大臣會同
妥議具奏欽此

奏稿卷五十八

七

西餉支絀籌借洋款接濟摺

光緒七年四月初一日

奏爲西征軍餉支絀籌借洋款以資接濟恭摺具陳仰祈

聖鑒事竊維各省關每年應協甘肅新疆實餉八百餘萬兩因歷年懸欠過多_臣前於陝甘總督任內奏奉

諭旨自光緒五年起每年解足實餉五百萬兩以三年爲期俾得及時興辦一切事宜雖較昔年估撥預撥款目微有增加而三年以後甘肅新疆餉源日濬各省仍可漸次減撥協餉亦誠兩利之道也無如應協各省情形不一其欠數少者或解足十成其欠數多者仍頻催罔應計光緒五六年新餉到甘者僅只六百數十萬兩適洋防戒嚴各省關有所藉口而餉源更不可問矣維時俄

奏稿卷五十八

八

事尙無成說關外各軍均新調換防兵勇以重邊務而協餉解濟不前應發之軍餉與應增之軍需應備之軍械應儲之糧料無從設措不得已飭陝鄂滬各臺局息借華商銀九十餘萬兩暫資敷衍原議次年陸續歸還爲時甚迫不能不籌借洋款聊爲補苴之計適德國商夥福克在蘭州織局聞之自稱該國有鉅款可借息耗亦輕并可由陝甘總督出票殊堪慰意_臣於去臘初三日具奏奉

旨該衙門議奏欽此嗣准戶部議覆該督奏稱借德國商款四百萬兩雖議有借款數目而息借期日久暫并由何項指款歸還暨息借幾年爲限仍未紮及應一併詳細覆陳_臣卸篆北上時與劉

錦棠楊昌濬晤談均以甫經接任籌餉艱難屬臣代爲借箸臣雖去任在卽亦不欲貽累替人遂飛飭辦理上海採運局道員胡光墉速向洋商議借銀四百萬兩以應急需抵都後連接楊昌濬劉錦棠來函言及餉源已涸春夏之交斷難接續懇卽據情入告情詞迫切異常茲幸胡光墉偕同德國泰來行夥福克及英國

匯豐行夥勘密倫先後來見據稱業經向匯豐銀行議定聽其招股借庫平足色寶銀四百萬兩作六年還清周年九釐七毫五絲行息其息銀六箇月一付分六年十二期付清其本銀則先兩年停還至第三四五六等年每年還銀一百萬兩還本減息仍作四年完結如期由上海採運局經手交還如上海無銀應准其向戶

奏稿卷五十八

九

部如期兌取臣竊以此次借用洋款不須海關出票各省督撫經手可免周折事體尙無不合卽以息耗言之從前以一分二釐五毫爲定此次議借按月計息只八釐有零周年尙不滿一分較爲輕減而先兩年停還本銀比三四五六等年本息齊還則各省關代還前欠洋款之數且停且減專籌新餉本息其力尙紓并無窘迫之患已飭胡光墉福克勘密倫卽依照定議應仰懇

天恩敕下總理衙門札飭道員胡光墉及照會英國使臣轉行匯豐銀行一體遵照以便陝甘出票提銀俾資接濟至部議指款歸還一節見在陝甘無款可指應請戶部催飭各省關將新舊積欠西征餉需隨時補解臣復再四圖維妄參末議冀充可指之款未

知有當與否容卽另摺陳明謹恭摺具奏伏祈
皇太后

皇上聖鑒訓示施行謹 奏

軍機大臣奉

旨該衙門知道欽此

奏稿卷五十八

啟籌見調各營先修水利暫緩練兵摺

光緒七年四月十六日

奏爲敬籌見調軍張家口各營先修水利暫緩練兵事宜恭摺仰祈

聖鑒事竊軍各營行抵張家口前於二月三十日陳奏擬調駐畿郊商辦教練旂兵興修水利兩事欽奉

懿旨著神機營王大臣會同臣妥議具奏遵於三月十九日會集神機營與醇親王等會商一切王大臣等均以練兵爲當務之急志在必行惟健銳火器前鋒護軍各營官兵除已挑選歸神機營操練外難以再挑其入旂養育兵丁間散尙資選練擬挑新兵五千人編立成營益以楚軍官弁勇丁數百人分撥教練竊維軍

奏稿卷五十八

十一

餉需原由西征糧臺解濟毋庸另議外其新挑養育兵丁行裝披執器械紮營之帳房連杆鐵鍬操演之子藥閱操之獎賞及加給之口分糧食需費甚鉅而擬給之歲需兵餉二十餘萬兩尙不與焉戶部度支艱難卽見在例發之餉尙虞拮据茲遽議增加練餉既慮力有未逮若復兼辦順天直隸水利所需鐵木石工鋤鍤畚鍤需費亦繁兩事集於一時時誦舉贏殊難籌措練兵之舉暫宜從緩以水利一事言之

畿輔開濬工作惟解凍後及合凍前數月相宜此數月中若遇大雨時行山澗漲發人力難施尙須停工以待非趁天氣晴和併力營治則營勇坐食日多虛糜甘肅新疆至艱之餉而於

畿輔水利又鮮裨補殊爲可惜臣擬飭所部見駐張家口各營除馬隊不宜工作應撤回甘肅右營督帶之員劉璈見蒙

簡授福建臺灣道應催赴新任外其左營督帶前福建藩司王德榜及臣親軍營總理營務處鹽運使銜知府王詩正所帶官弁勇

丁尙二千餘員名應卽由張家口懷來縣見駐之處順桑乾河流節節疏築至蘆溝橋西察看河道情形次第施治臣當隨時隨事

與順天府直隸總督虛衷商推以求允當冀平水土而協輿情桑乾旣治再從事滹沱由下流而溯上源無論支榦無分地段不惜勞費擇要圖之庶幾稍收薄效惟治水之功有創有因有修有濬其施工之處如河身循舊者尙可免異議相干至創開新渠則事

奏稿卷五十八

三

體攸殊挑掘之土堆壓附近地畝須攤豁銀糧并照地估價或攤撥地畝以免偏枯其有關村舍廬墓之處可繞道者宜代爲設法以冀兩全其實無關礙者不宜任豪右阻撓致妨要務從前直隸總督漢軍于成龍因護其先塋別開水道貽患至今可爲前鑒雍正初以治

畿輔水利爲重

特命怡賢親王主之大學士朱軾等爲之襄辦誠以

畿輔水利與各省不同施治之處多與王莊旂產交涉莊頭旣難責以大體而一種游手無賴之徒交構其間輒以損賦減租陰相挾制致蜚語流布績用弗成事之可慮患之宜防莫甚於此如臣

嚮昧於先臣固無能爲役若荷

懿旨特頒命醇親王遙領其事則諸務得所稟承異議自期屏息
於修治水利一案謹當隨時啟告聽候覆核施行在醇親王樂

善忘勢苟利於

國知無不爲臣亦不敢倚勢妄行自干咎戾斯誠民生

國計之幸亦卽微臣之幸也謹據實縷陳伏乞

皇太后

皇上聖鑒訓示施行謹 奏

軍機大臣奉

旨畱中欽此

奏稿卷五十八

三

嚴禁鴉片請先增洋藥土煙稅捐摺

光緒七年五月初五日

奏爲嚴禁吸食鴉片本爲坊民正俗要圖請先增洋藥土煙稅捐以課實效恭摺仰祈

聖鑒事竊維鴉片產自泰西印度地方由英國商人轉販而來流毒中國名爲洋藥其患先中於市廛衙署凡中人溫飽之家佚游燕僻子弟聚處而嬉用以遣日比吸食有癖積漸成癮癮重而形神交瘁於是資傾家破而身命隨之內地罷民拋宜穀宜蔬宜瓜果腴地以種罌粟釀果取漿名爲土藥其患先中於鎮集鄉村凡食貧力作之人游手無聊之輩久且視爲尋常日用所需不知禁令爲何事於是吸食者多更成積重之勢華民之吸煙者多洋藥

奏稿卷五十八

西

之銷路亦日益暢從前各海口每歲進洋藥三萬餘箱嗣漸增至五萬餘箱近聞且增至七萬餘箱矣而洋藥之價前時每箱百斤售銀七百餘兩近聞已減至五百餘兩是銷路之暢由於貨價之減可知也而洋人心計之工亦可知於此而嚴吸食與販之禁法輕則易犯令峻又難行若奉行不得其人非徒無益也臣前督陝甘先以禁種罌粟爲務飭各屬隨時查拔以清其源遇有洋藥入境則標識封存行棧勒由原路折回不准在地銷售其故違者察出焚之通衢已著微效惟此法行之一方爲宜若統籌全局則令其由原路折回礙於此者或銷於彼仍爲不了之局詳察事宜斷非加洋藥土煙稅捐不可稅捐加則洋藥土藥之價必貴價貴則

癮輕者必戒癮重者必減由減吸以至斷癮尙有可期若徒恃空文禁制則丁役之弊索官吏之欺隱由此而生案牘紛繁訟獄糾繞竊恐政令不行而閭里騷然未覩嚴禁鴉片之效而先受其弊也自古整齊世宙不能無藉乎政刑政刑之用窮不能不濟之以罰周課田功有里布夫家之罰漢重酒禁有誤耐免侯之罰其明徵也近如海國土產出口輒按其成本而徵之英人於嗜好之物更加徵兩倍亦與贖刑遺意相近況加徵洋藥土煙稅捐意在加價減癮以期坊民正俗復厥本初多取亦不爲虐且議加者中國吸食之價非取之出產之地與外國興販之徒權自我操誰能過問稽經誼律理有同然而措正施行又無煩再計決也臣奉

奏稿卷五十八

五

命與聞各國事務責無可辭曾於接晤英使威妥瑪時論及鴉片宜加徵稅釐冀可減癮威妥瑪亦無以難之適李鴻章至臣偕赴總署與威妥瑪會商二次李鴻章又獨與威妥瑪晤商一次威妥瑪意見不同語多反覆而於加價一節猶斷斷然若重有所惜者臣等如從其後議以每箱八十兩爲定則加數甚微不但癮無由斷適足爲興販洋藥者廣其銷路而內地種罌粟販土煙者得以藉口并加徵捐釐亦多窒礙是與擬增稅捐期收實效本謀大相刺謬而其事且有所難行茲擬總口原徵洋藥進口每百斤稅銀三十兩仍由總口徵收毋庸置議外其總口釐捐由中國自辦於總口附近地方設立總局遴委廉幹大員總司洋藥釐捐凡洋藥

進口完納稅銀後聽洋商分銷各口或畱存躉船或起存行棧稅務司查明箱數報知總局覆驗登簿蓋印設立三聯票一存總局爲票根一填發稅務司爲備核驗票一給洋商爲運銷各口驗票三聯騎縫鈐印編列號數彼此執存輪流互核遇有偷漏及土煙夾雜諸弊無難一覽而知似此銷路一清譏禁可得而施市價相若稅釐可得其實以言增加稅釐期收禁煙實效庶有當焉至於加稅增釐捐辦法各有攸殊或議於總口徵洋商之稅卽併內地應捐之釐而加徵之是爲合辦或議於總口照稅加釐外於內地分銷各口加徵華商之釐是爲分辦兩者衷諸一是

朝廷執中有權推之而準與洋人毫無干涉按照見行釐章於兩

奏稿卷五十八

六

起兩驗中寓周代傲情農漢世嚴酒禁遺意每洋藥百斤統稅釐合計徵實銀一百五十兩理法均得其平較之洋法土產貨物出口照本徵稅其嗜好之物進口徵加兩倍輕減爲多以古者省刑薄斂之義論之固考之不謬而質之無疑者也若內地私種罌粟所造土煙行銷浸廣應卽照洋藥稅則加捐示罰惟土煙味淡氣薄吸者弗向其價值亦較洋藥爲輕稅釐之加未宜與洋藥一律須按其斤重價值準洋藥推算議加乃與罰捐之意允協而貧難之民因惜費而減癮其實效亦復相同區區之愚竊謂嚴禁吸食鴉片本坊民正俗要圖近因市價日減吸者日多爲患亦愈積而愈甚於此而思禁制之方實非加洋藥土煙稅捐不可其所以議

加稅捐者非僅爲聚斂豐財起見古者取民有制徵斂固宜從其輕而由今之道思變今之俗道在禁民爲非則稅捐示罰有不得不從其重者迨疵俗滌除民無天札弊盡而利自生其效將有可觀奚取於富強之術功利之謀也伏懇

皇太后

皇上下臣此疏敕王大臣六部九卿公同集議擇別是否縷陳具奏并請

敕下各督撫將軍監督將所屬洋藥銷數原定稅則捐釐款目見因偷漏減收情形及罌粟土膏銷數兩起兩驗章程逐加稽察與夫議加稅釐辦法據實覆陳統限奉

奏稿卷五十八

七

旨一月後覆奏務期齊心振作以收正俗坊民實效天下幸甚是否有當伏祈

皇太后

皇上聖鑒訓示施行謹 奏

軍機大臣奉

旨畱中欽此

前赴涿州履勘水利工程商定修濬事宜摺光緒七年五月十二日

奏爲謹擬前赴涿州履勘水利工程商定修濬事宜恭請

聖訓事竊臣前奏興修順天直隸水利欽奉

諭旨允行嗣准直隸督臣李鴻章咨據涿州知州查光泰稟陳該

州水利情形臣隨調前駐張家口各哨懷來縣左營齊赴涿州承

濟橋一帶剋期興辦除旌善馬隊不習工作業經資遣回甘新授

臺灣道劉璈所部右營應令隨同赴任外臣之親軍十二哨及左

營勇夫共二千數百人已於四月二十五二十八等日先後行抵

涿州列帳開工并據總理營務處鹽運使銜分省補用知府王詩

正前福建藩司王德榜稟報前來臣擬於十二日親履工次察勘

奏稿卷五十八

五

地形水勢與直隸督臣李鴻章署順天府尹臣張凱嵩會籌修築

疏濬一切事宜務臻妥慎一面繪圖貼說會同李鴻章等咨呈恭

親王醇親王核定具奏謹請

懿旨遵行期垂久遠此外如有應興工作亦卽就近履勘以便次

第籌辦臣請

訓後嚴裝就道事竣回京不致多延時日謹具摺陳明伏祈

皇太后

皇上聖鑒訓示施行謹 奏

軍機大臣奉

旨知道了欽此

覆陳涿州工作已可就緒情形摺

光緒七年六月初六日

奏爲遵

旨覆陳仰祈

聖鑒事竊臣欽奉光緒七年五月十八日

上諭孫詒經奏興辦畿輔水利敬舉人材以資助理一摺據稱畿輔水利事同創舉請敕翰林院侍講學士張之洞丁憂翰林院侍講張佩綸親詣履勘隨時函商王大臣等督飭興修等語著左宗棠悉心斟酌據實覆奏原摺著鈔給閱看將此諭令知之欽此臣維水利廢興關係民生國計矧在

畿甸尤難視爲緩圖禹之治河所爲肇事於冀也臣部奏調北行

奏稿卷五十八

九

原爲備俄起見嗣因在防無事而隴關內外營屯水利會著微勞茲值順天直隸水患頻仍用其所長令之從事修濬兼免坐食虛糜實爲兩益且徵之於古周代兩城成周諸侯屬役賦丈魯昭三十二年大夫相帥城成周穀梁氏以爲得變之正蓋謂尊王用命義在則然也臣以陝甘應餉之軍助直隸治河之役適逢其會竊比有因事雖稍異尋常亦猶行古之道而好事爭功諸議無譏焉孫詒經原奏謂爲千載一時之舉稽古證今實爲允當非有夸飾之見雜居其閒至謂事同創舉則有未盡然者臣軍自張家口懷來移駐涿州由涿州知州查光泰稟由李鴻章咨商而來所擬方略皆由細繹乾隆中

親閱永定河隄示直隸總督方觀承

聖製諸詩所得如籌疏濬取河中淤出新土培隄卽寓濬淤之義及河中居民相安弗論宜禁附益增廓大哉

王言實握治河機要聖人復起何以加茲

皇上祖述憲章臣等在事諸臣率循罔越胥在乎此以今視昔迹

雖近於創而以古準今義實本諸因也至於敬舉人材以資助理請

敕張之洞張佩綸親詣履勘隨時面商王大臣等督飭興修尤具

深識蓋以臣與李鴻章議論時有異同恐意見驟有未融或啟爭

執之漸張之洞張佩綸持論名通於臣與李鴻章素稱投契又同

奏稿卷五十八

三

籍貫於

畿疆地形水勢尤所熟諳必能據實疏通俾衷至是惟臣於十九

日卯刻接奉

諭旨時已由涿州陸行是日勘驗金門閘壩次日卽循南岸河隄

而下二十二日抵王慶坨二十三日抵天津與李鴻章晤商一切

所見皆同二十五日乘舟溯流而上二十七日抵趙北口將商定

情形咨李鴻章掣銜咨呈恭親王醇親王核定會奏請

旨遵行接見清河道葉伯英據稱適得獻縣馳報滹沱見行古洋

河之大溜已全由新開減河入子牙河故道達津入海彼此共相

慶幸臣初擬由趙北口南行履勘滹沱上游情形既聞滹沱已改

由李鴻章新開減河歸復故道遂罷此行仍由陸路回涿州二十
九日駐永濟橋工次六月初一日與王德榜王詩正及親軍營哨
各官驗視十九日後興作工程見下游挑淤已至永樂村面寬二
十餘丈深八尺餘水程六七里淤沙堆積兩岸如長隄六月初二
日下游竣工接開橋上南面小減河長可里許連日修築北面斜
隄東汜濫之水令出橋下一面開濟涵洞初五日大溜東趨官民
相慶計自開工至今甫閱月餘而十餘年積患一掃而空時距伏
汛尚十餘日縱遇盛漲亦免倒漾停淤之患臣目擊弁丁勞苦犒
以酒食其因暑雨工作感受時氣者遣人赴邸寓取藥療之擬俟
各處工程一律告蒧過秋汛後再將斜隄加築三合土以規久遠

奏稿卷五十八

三

拒馬牝牛及各水業已就治永定全河可期順軌臣拜摺後擬過
石景山一帶測勘水勢卽回京復

命張之洞張佩綸兩員是否仍須派往助理應候

聖裁所有臣軍工作已可就緒情形并遵
旨覆奏仰慰

宸懷伏祈

皇太后

皇上聖鑒訓示施行謹 奏

軍機大臣奉

旨知道了張之洞張佩綸均著毋庸派往欽此

宿恙舉發請 賞假調理摺

光緒七年七月初三日

奏爲請

賞假事 臣 因感觸暑氣致宿恙舉發手足拘急痛楚頭暈耳聾不

能當差籲懇

聖主恩施

賞假十日以便調理一俟稍痊卽行銷假當差爲此謹奏請

旨

光緒七年七月初三日內閣奉

上諭左宗棠著賞假十日調理欽此

奏稿卷五十八

三

請 賞假摺 光緒七年七月二十二日

奏爲請

賞假事 臣前因感觸暑氣致宿恙舉發手足拘急痛楚頭暈耳聾

當經奏蒙

賞假十日調理嗣服藥稍效比卽銷假當差乃近日兩足浮腫左手筋急胸膈下痞積成團漸形堅硬兩耳重聽醫云由心脾兩部衰耗太甚肝氣不舒非寬期調理難期痊愈惟有仰懇

聖主恩施

賞假二十日俾得從容調理一俟稍痊卽行銷假當差爲此謹奏請

奏稿卷五十八

旨

光緒七年七月二十二日內閣奉

上諭左宗棠著賞假二十日從容調理欽此

病難速痊懇 恩開缺撤銷各項差使摺

光緒七年閏七月十三日

奏為 微臣 病難速痊懇

恩開缺撤銷各項差使俾免曠誤仰祈

聖鑒事竊 臣 前因感觸暑氣致宿恙舉發兩足浮腫左手筋急胸

膈下痞積成團不能當差於七月二十二日奏懇

天恩賞假二十日從容調理見屆假期已滿而胸膈痞積有增左手筋急三指僵冷兩足浮腫未消舉步笨重頭暈耳聾諸證如故每日坐立時少睡臥時多形神俱憊醫云心脾兩部血氣衰耗肝氣不舒積患多年一時難望痊愈伏念 臣 積苦兵閒廿有餘載值此瀛寰底定餘生幸睹太平我

奏稿卷五十八

奏

皇太后

皇上宵旰憂勤親賢夾輔人心向治

景運維新 微臣 渥被

恩知自應殫竭駑駘及時自效無如嬰茲痼疾徐行扶杖百步以內尚可支持若釋杖趨踰則心欲急而足不前喘汗交加時虞傾跌腰骸以下骨節支離跪拜即難起立又苦口舌鈍拙有時意所欲達未能詳盡分明加以

殿陛敷陳矜持過甚尤多慚悔以此知唐臣陸贄因口吃難於面陳退上奏議非無故也合無仰懇

天恩垂鑒愚忱

俯准開大學士實缺并撤銷軍機大臣總理各國事務衙門管理
兵部事務差使俾得稍延喘息俾免曠官戀祿之譏不勝悚息待
命之至至微臣受

恩過重有生之日皆報

國之年如

聖意適言是察詢及芻蕘俾微臣得以閒散酌京聊備顧問一遇

宣召卽躬詣軍機處隨同王大臣會議由王大臣轉奏或一時未
能詳晰具陳并

允具摺片呈遞伏候

訓示施行至目前洋藥土藥增加稅釐及永定河未完要工臣會

奏稿卷五十八

五

預議更不敢置身事外遇有聞見必當隨時咨呈王大臣核酌具
奏所有懇

恩開缺撤銷差使俾免曠誤緣由謹披瀝上陳伏祈

皇太后

皇上聖鑒訓示施行謹 奏

光緒七年閏七月十三日內閣奉

上諭左宗棠奏病難速痊懇請開缺一摺左宗棠著賞假一箇月
安心調理毋庸開缺欽此

委員履勘永定河上源擬伐石鑿渠片

光緒七年閏七月十三日

再臣前至天津與李鴻章會商修治永定河工程李鴻章比飭永定河道游智開查勘擬修濬南六工尾至南八工上汛三號計三十三里又自南八工上汛三號另開向北新河一道至鳳河止計五十里擬派淮練軍三千人楚軍二千人分段工作俟秋汛後確勘估計土方若干需工費若干再行酌核辦理臣應俟其核定再行會辦擬飭總理營務處道員王詩正於永濟橋隄工畢事即率臣親軍一千四百餘名分段承工并帶畱口放青馬五百匹遞運掘出泥沙藉省勇夫之力冀可無誤程期惟下游雖廣求疏濬之方而上源悍濁依然仍虞昏墊之積非所以規久遠也見飭前福

奏稿卷五十八

三

建藩司王德榜會同直隸委員鄒振岳孔慶篤臣軍委員冒沅等從蘆溝西北探源而入詳加履勘如能就地伐石鑿筍合縫疊成盤磴外峻內夷兩旁鑿渠分醜其流俾上源節節湔滌層遞下注則急湍可殺而昏波可澄上源漸清下流險工自可漸減王德榜鄒振岳冒沅孔慶篤等先後遵調前來臣詳與商酌均能領會即飭於十七日前往履勘按段繪圖貼說呈候核酌計勘估畢事當在秋分之前再由王德榜率所部左營加雇本地石工二百餘名赴工興作所有工程均責成王德榜一手經理冒沅佐之鄒振岳孔慶篤專主督察勤惰估計工料以襄其成俾得各盡所長速蕝斯役工竣以後將來按段挑淤致力較易應定爲新章別籌經費

以規久遠至此舉工繁費鉅尤非永濟橋可比臣擬飭西征糧臺將已撤劉墩一營旌善馬隊五起截至本年十二月止應得月餉約共六萬餘兩仍照數按月接支抵補楊昌濬劉錦棠素顧大局當能諒之謹一併附陳伏乞

聖鑒訓示謹 奏

軍機大臣欽奉

慈禧端佑康頤昭豫莊誠皇太后懿旨著左宗棠將所擬辦理工程會商恭親王奕訢醇親王奕譞暨李鴻章童華游百川歸入前議一併妥籌具奏欽此

仍懇 天恩開缺撤銷各項差使摺

光緒七年八月十三日

奏為 微臣 病難卽愈仍懇

天恩開缺撤銷各項差使俾免曠誤恭摺仰祈

聖鑒事竊 臣 前因胸膈痞積有增左手筋急三指僵冷兩足浮腫未銷諸證如故不能銷假當差誠恐曠官貽誤懇

恩開缺撤銷差使乃蒙

聖主鴻施賞假一箇月安心調理毋庸開缺欽此

殊恩高厚欽感莫名原冀厥疾速瘳仰副

矜全至意計一月假期又屆滿矣乃病源已深醫藥施治急切未能奏效足腫稍銷而風火上騰致患面目紅腫諸證比面目紅腫

奏稿卷五十八

天

漸退復又風疹徧體時作癢痛抑搔摩按頃刻難停早晚尤宜閉戶靜攝以避外感而胸膈痞積如故亦未消化若勉爲銷假則病多翻復展轉陳籲徒形煩瑣 臣 心尤抱不安再四籌維惟有仰懇天恩俯如 微臣 前摺所請開缺撤銷各項差使以閒散畱京聊備顧問庶免曠職貽誤之愆得以安心調理至議加洋土藥稅釐及修治永定河上下游兩事見正力疾籌議容卽具奏恭摺具陳伏

祈

皇太后

皇上聖鑒訓示施行謹 奏

光緒七年八月十三日內閣奉

上諭左宗棠奏病難卽愈仍懇開缺一摺左宗棠著再賞假兩箇
月安心調理毋庸開缺欽此

奏稿卷五十八

无

覆陳增收洋藥土煙稅釐摺

光緒七年八月二十七日

奏爲遵

旨覆陳謹將

敕發各省關將軍督撫監督臣摺件恭繳并節錄原摺附以案語
咨送總理衙門以備覆核奏請

欽定頒行一律遵照辦理恭摺仰祈

聖鑒事竊臣於閏七月二十五日續假期內欽奉

諭旨前據左宗棠奏請增收洋藥土煙稅釐當諭令南北洋大臣
福州將軍各直省督撫粵海關監督詳細妥議茲據該大臣等先
後覆奏各摺著左宗棠悉心酌覈具奏欽此敬仰

奏稿卷五十八

三

聖明洞鑒執兩用中至意謹就各省關所陳各摺詳加披閱覺其
就地設籌於中外情形商民生計均係據實指陳堪資採擇惟區
域攸分於徵收之多寡關局分卡之疏密勢難合計通籌斟酌損
益以歸畫一而持其平此不能無待於綜核者也竊維各省形勢
東南近海洋藥進口販售最多而本境所產土煙及外來土煙亦
間見錯出不能因其數少而置之不論至西陲與西北一帶地方
距海口甚遙所產土煙最多外來土煙亦復不少商販并有將洋
藥開箱拆包混雜百貨運銷內地且以土煙假充洋藥出售射利
者非核實稽徵則罍漏堪虞而奸商趨避之情由此而起此應加
綜核通行遵辦者一也洋藥進口本係整箱大土每箱一百二十

斤小土每箱一百斤查其箱數卽知其斤數無從詭混迨華商賣
運分銷則開箱拆包難於檢驗僅據件數徵收別無稽核何從合
散爲總知其確數偷漏之根卽伏於此應於華洋交易之際由局
員會商稅務司禁止商販開箱私售凡分銷各省者俟販運進口
呈驗鈐票後如需就地零銷由局卡委員於票內註明數目每件
粘貼印花以憑覆驗庶稽察易周而偷漏之源可絕其洋行之藉
名配藥提行私銷者應由總稅務司切實禁止以昭平允此應加
綜核通行遵辦者二也洋藥由印度海道而來過蘇門答臘東向
卽可閩可浙可蘇以抵北洋不必定由香港而洋藥之匯萃香港
者由洋藥爲英商貿易大宗香港久已劃爲英埠故停泊於此以

奏稿卷五十八

三

便分銷然徒於香港稽查偷漏猶未能盡得其實非由沿海各省
進口實力稽徵不可而就華洋貿易冊觀之近年運到香港者共
十萬數千箱而分銷有稅者僅八萬數千箱漏稅者已十分之二
爲數甚鉅應由廣東將軍督撫臣遴委妥紳前赴香港會稅務司
共查入口出口實數而於所設之新香六廠設局覆驗徵收稅釐
方有把握此應加綜核通行遵辦者三也於總口徵收洋稅每百
斤稅銀三十兩由稅務司徵收茲擬於總口附近設立總局地屬
南洋應由南洋大臣奏委大員總司局務凡洋藥進口稅務司查
明箱數報知總局覆驗照稅徵釐填發鈐印列號三聯票以便運
銷各省是爲總口之釐其分銷各省者由各省於進口時覆查有

總口稅釐并徵鈐印驗票徵銀九十兩聽其販運分銷各屬如無鈐印驗票責令補完總口稅釐無論一處總收與各處分收總以每百斤統徵銀一百五十兩爲率外不加徵庶稅由洋辦釐由華辦眉目了然可免輻輳致滋誤會此應加綜核通行遵辦者四也釐捐既由華辦已於總口照稅并徵各省之無關稅款目者應補徵關稅銀三十兩於釐捐一百二十兩項下劃收抵稅應改稅爲釐合成一百五十兩總數不復存關稅名色免因款目輻輳致有誤會此應加綜核通行遵辦者五也土煙釐捐擬於各省就地徵收無論本地所產與外來煙土總以每百斤徵銀五十兩爲率或於出產之地按畝徵收或於運銷過境徵收或於行銷落地徵收

奏稿卷五十八

三

由各省督撫核定飭屬遵照辦理以歸一律此應加綜核通行遵辦者六也

微臣 欽遵

諭旨悉心酌覈大略如此至應辦事宜詳細情形委曲繁重未便詳細縷陳上煩

省覽已節鈔各省關摺件附錄案語別爲一編咨送總理衙門以憑核酌應請

敕下總理衙門詳加覆核奏請

欽定頒行遵照辦理以期周妥徵收亦應定期開辦約計程途遠近十月內均可舉行并請於

諭旨內明定一期庶免紛歧而歸一律此外如新疆地方近有外

來洋藥銷售臣前督辦軍務時據印委員弁查報卽勒令由原路折回禁止在地銷售見在中俄通商准於吐魯番肅州設領事如遇有洋藥入境應由新疆將軍大臣陝甘總督照各省關章程分飭委員徵收稅釐銀一百五十兩其本地栽種土煙及華商販運土煙亦照各省章程徵收稅釐銀五十兩以歸一律又西陲土司西北藩部及北口之內外蒙古遇有洋藥入境亦照內地一律徵收應由總理衙門咨行理藩院新疆將軍大臣及雲貴總督通行遵照辦理以免侵銷內地庶事體一律上符

朝廷正俗坊民德意而於時局大有裨補謹陳愚悃伏乞
皇太后

奏稿卷五十八

三

皇上聖鑒訓示施行謹 奏

光緒七年八月二十八日軍機大臣面奉

諭旨左宗棠奏遵旨覆陳增收洋藥土煙稅釐一摺著總理各國事務衙門會同李鴻章妥議具奏欽此

光緒七年九月初六日內閣奉

上諭彭玉麟先後陳奏請開兩江總督署缺并開巡閱江海差使各一摺覽奏情詞懇切自應俯如所請准開兩江總督署缺至該侍郎巡閱江海有年不辭勞瘁整頓水師深資倚任仍著照舊巡閱毋許推諉劉坤一著卽開缺大學士左宗棠著補授兩江總督兼充辦理通商事務大臣劉坤一著俟左宗棠到任後再行交卸來京陛見欽此

奏稿卷五十八

五

病痊銷假摺

光緒七年十月初六日

奏爲微臣病痊銷假恭摺仰祈

聖鑒事竊臣於八月十三日因病難卽愈復懇開缺撤銷各項差

使奏奉

諭旨左宗棠著再賞假兩箇月安心調理毋庸開缺欽此感荷

鴻慈矜恤有加因卽趕緊調理見在足腫風疹諸證漸愈雖步履未能復故而筋力尙可支持瞬近假滿之期自應及時銷假況見

蒙
天恩補授兩江總督尤應泥首

宮門跪聆

奏稿卷五十八

三

訓諭所有病痊銷假緣由謹恭摺具奏伏祈

皇太后

皇上聖鑒謹 奏

軍機大臣奉

旨知道了欽此

永定河下游工程告竣見正修治上源速期蒞役摺

光緒七年十月十四日

奏爲臣軍興修永定河下游分段工程業已告竣見正修治上源速期蒞役恭摺仰祈

聖鑒事竊

臣

前於夏間至天津與李鴻章會商修治永定河工程

已於閏七月十三日附片具奏嗣據前福建布政使王德榜總理營務處道員王詩正會稟涿州永濟橋濬河築隄於閏七月十三日一律工竣河流順軌舟楫往來農商稱便北面修築三合土斜隄一道鎚夯加工堅同鐵石隄長百丈高與橋齊由永濟橋達胡良橋驛道低窪培厚加高行者無褻裳濡足之苦請委員覆驗前來當咨請李鴻章會委涿州知州查光泰委員冒沅孔慶篤等履

奏稿卷五十八

美

勘驗收旋據該印委結報工程堅固堪耐久遠李鴻章并發犒賞銀二千兩閏營將弁丁勇歡躍異常隨赴下游列帳興工王詩正會商永定河道游智開及地紳前甘肅提督曹克忠等履勘形勢由霍家場盧家鋪曹家場徑向安家墳一帶裁灣截直較爲順利自三號起至安家墳南止分作十段估計通工長六千一百餘丈土方四十六萬有奇挑出之土平鋪兩岸三十丈外酌畱缺口以洩盛漲其由下溯流而上自第七段對蕭莊村南至第十段對安家墳南工尾止估土十二萬五千餘方指由王詩正承辦稟請李鴻章加委會勘興工王詩正分段承賦計自八月二十九日起至十月初一日工竣維時寒風凜冽刺骨砭肌諸將士併力工作不

知其勞晷短則繼之以夜列炬赴工以補不逮故原勘三月工程一月遂已告葢非_臣始願所及此王詩正督帶親軍修治永定河下游之實在情形也永定河上源工程則分由王德榜及_臣軍委員冒沅督工修治直隸委員鄒振岳孔慶篤等佐之王德榜帶恪靖左營由蘆溝橋溯源而上歷石景山三家店曲折入山越乾隆年間所遺沿河口玲瓏壩廢址於距都門二百餘里地方傍巖沿流而下勘得峽中應修建石壩者共有五處地名下尾店丁家灘車子崖水峪嘴琉璃局山嘴就地伐石砌壩鑿渠於山脈均無傷損各壩隨山逶迤長可一千數百丈繪圖貼說親齎前來_臣覆核無異比飭移營開工并於涿州房山選募石匠二百餘名助役八

奏稿卷五十八

三

月二十日王德榜拔營行至丁家灘下尾店併力合作已成壩五座茲當初冬和暖工作如常向後山谷合凍石工雖可忍寒鎚鑿土工則致力殊艱通工合計必俟明年凌汛前後始能一律葢事而順天府轄宣化府轄沿河各村莊農民目覩此次壩工高厚渾堅以爲可恃慮左營將隨_臣南下紛請畱王德榜廣修水利以蘇積困而竟全功央地紳戶部主事梁作舟守禦所千總崔清華國子監算學生安廷璋等聯名赴_臣寓遞呈稱該村莊自嘉慶六年後被水成災半成石田半成沙阜歷年已久積困未蘇雖屢荷皇仁頻施賑濟而丁口日繁謀生無術茲見王德榜丁家灘等處渠壩工程化沙積爲膏腴若推廣行之沿河十餘村可得沃土二

十餘萬畝美利無窮詢以治水必藉歲修資力該紳等亦念及此否咎稱有沃土二十餘萬畝按畝取制錢數十文可獲大錢萬數千緡以之挑淤出土自無不給其言似有可據當諭以客軍修壩開渠意在除患至引灌田畝謀及久長全賴地方官經理凡事利害相因如爭水而釀成訟累或貪水而掣動大溜皆意中事客軍雖不任德亦不能任怨該紳農等應呈請順天府直隸藩司核示遵照乃免後悔至壩渠工程浩大客軍當一力承當已預飭於凌汛前後收工矣該紳等均能領悉臣擬一面咨請李鴻章委驗永定河下游工程明春再會商童華游百川委驗永定河上源工程臣經手分段承修事宜得有歸結所有治河經費已咨明楊昌

奏稿卷五十八

奏

濬劉錦棠飭陝鄂糧臺將劉璈及旌善馬隊餘餉照常起解截至本年十二月止尙可有贏無絀俟上源工竣仍由臣核實報銷以免輻輳至涿州永濟橋各工及此次永定下游與上源各工據直隸官紳士民商旅所言堪成永利在事諸員及各將士實心實力踴躍趨功微勞足錄擬彙列清單咨請李鴻章及童華游百川於驗明收工後照請保獎以昭激勸是否如斯伏候

皇太后

皇上聖鑒訓示施行謹 奏

軍機大臣奉

旨依議欽此

酌畱親軍帶赴江南并分撥洋槍片

光緒七年十月十四日

再臣所部親軍十二哨分修永定河工竣原擬一律遣撤因各員弁從征日久咸以隨同南下爲請情緒依依實難忍置見飭營務處遇缺題奏道王詩正酌畱數百名帶赴江南其年勞最深者均給回籍路票俾資休息仍准陸續來營補伍正餉之外寬給盤川眾情歡愜其恪靖左營分治永定河上源據前福建藩司王德榜稟稱明年凌汛後始可蕺役由王德榜照章料理正餉已發至明年二月外給盤川亦與親軍一律至臣前因四川提督宋慶庫倫辦事大臣喜昌及鮑超所部各營向臣請領新式槍礮比飭滬鄂陝各臺局將臣定購之利名登洋槍三千八百七十五杆及後膛

奏稿卷五十八

五

七響馬槍八百杆就便解赴天津飭總兵楊在元提督黃本富於天津保定設局驗收以備指撥嗣據喜昌請領洋槍八百杆馬槍二百杆尙存三千零七十五杆連藥彈子皮帶一併咨交李鴻章天津機器局驗收備用其後膛七響馬槍尤爲新式利器除喜昌請領二百杆外尙存六百杆隨帶藥彈每杆合九百餘出全具一併呈繳神機營咨呈醇親王轉飭驗收比將前設天津保定兩局裁撤所有前項洋槍購自德國在各國新式中尤爲精緻其價銀應由陝甘糧臺造報以免歧出謹附片陳明伏祈

聖鑒謹 奏

軍機大臣奉

旨依議欽此

奏稿卷五十八

罕

懇 賞假回籍省墓并查閱長江水師會商上游布置事宜摺

光緒

七年十月十四日

奏爲籲懇

天恩賞假兩箇月便道回籍省墓并查閱長江水師會商上游布置事宜恭摺仰祈

聖鑒事竊 臣 自咸豐十年欽承

恩命襄辦軍務由湖南本籍選募楚軍五千餘人轉戰江西皖南平兩浙八閩及粵東之賊移督陝甘勦除捻回克復新疆南北兩路諸城迄今二十有二年矣戎馬倥傯未敢以省墓陳情上瀆宸聽私衷耿耿積有歲時茲蒙

奏稿卷五十八

里

恩命補授兩江總督竊計取道直隸河南湖北過洞庭抵長沙水陸兼程尙非迂折先塋本在長沙湘陰兩縣境內松楸無恙展謁匪遙由此沿湘而下一水可通就便閱視長江水師安營處所及會商上游布置事宜亦得了然心目大約往返水陸程途統計至久不逾兩月卽抵金陵可否仰懇

天恩賞假兩箇月之處伏候

訓示施行謹瀝情恭摺具奏伏祈

皇太后

皇上聖鑒訓示謹 奏

軍機大臣奉

旨依議欽此

奏稿卷五十八

呈

覆陳奉 旨查辦事件大概情形摺

光緒七年十二月十九日

奏爲奉

旨查辦事件先將大概情形覆陳恭摺仰祈

聖鑒事竊

臣於

陛辭後十月十八日戒裝南行水陸趨程十一月二十五日舟泊長沙十二月初二日到湘陰故里欽奉光緒七年十一月十九日上諭有人奏縷陳鄂省積弊請旨派員查辦一摺據稱湖北釐金及新關竹木稅每年實收之數與報部之數相去懸殊悉歸委員中飽督署亦有規費李瀚章任用私人縱容劣員該省防軍缺額虛糜帑項貽害地方并李瀚章贖貨無厭民怨日深等語李瀚章

奏稿卷五十八

聖

任湖廣總督有年茲據所奏理財用人練兵種種弊端是否屬實著左宗棠將所奏各節確切查明據實具奏毋稍徇隱原摺著鈔給閱看將此由四百里諭令知之欽此

臣跪聆之餘竊深惶駭適祭埽甫畢即日乘舟下駛一面飛飭

臣舊設陝甘後路糧臺遴委委員密爲訪察十二月十三日駛抵湖北省城接晤督撫

臣及司道印委各員詳詢一切按原奏情節關重者以釐金竹木稅及鹽船番舶往來江海蕪湖揚州開設質庫爲最應卽照所指各款確切查明始憑覆奏查湖北釐金前撫

臣胡林翼任內歲收三四百萬兩茲李瀚章報部每歲不過一百餘萬言者謂由局員侵蝕李瀚章委用局員非親卽友督署亦有收受規費情事自非無因維

釐務之利弊視乎局員之賢否局員得人則利興而弊絕否則弊滋而利減湖北全省釐務向由總局徵收司道總其成統歸督撫隨時察核胡林翼開辦之初地方新復百貨流通鄂居長江中間爲四川湖南廣東貴州商旅水路必由之所貿易多憑牙行關說始克成交貨釐以外兼收牙帖稅項故有牙釐總局之設維時局卡增多收數驟旺甲於各省迨髮捻戡定時論與民休息以裁減釐稅爲先湖北奉文裁撤局卡先後多至四百餘處并有停止門釐免收米穀釐減收糖釐爲數亦鉅矧自洋票免釐以後商販折閱者多牙帖釐捐非復從前暢旺而舊有之津貼局費等項又難概行裁減出入相乘不及胡林翼當時收支之數時勢使然固無

奏稿卷五十八

四

足怪就提到票根帳簿核對實無收多報少之弊原奏專歸其咎於李瀚章不知湖北牙釐一局本督撫臣共相察核李瀚章如有情弊彭祖賢必有見聞豈肯代爲受過臣與彭祖賢晤談數次而知牙釐收支之實無弊竇也新關竹木稅之徵本前督臣官文時事胡林翼開辦之初官文以至省稅釐諉之惟竹木稅歸督署專管不由撫署察核厥後人言由此而起曾國荃遂舉以入

告時則金陵既克東南漸次澄清衙署祠廟官私廨舍市肆局卡工作繁興竹木銷路最爲暢旺臣嘗詢胡林翼得聞其收數大略每月不過萬兩內外已耳茲則承平已久工作以次減省竹木銷路能否似從前之暢旺固未可知言者謂歲收百餘萬報部僅三

萬而督署正款每日七百五十餘兩是否屬實非查取票根底簿逐加核對無從懸擬且就原奏言之督署正款每日七百五十餘兩合計每年收數亦只二十餘萬兩此外尙有八十萬兩無從指實如果盡歸局員侵蝕則竹木局委員司事均屬咎有攸歸其侵蝕數目應卽按照得項分科擬辦始昭核實而見管新關道員楊宗濂尤應傳案取供庶憑環質臣抵鄂後查問楊宗濂下落則已於前月中旬告假回籍詢之身釐局各員僉稱竹木稅向係徑歸督署管理與身釐判然兩局各不相關無從知其底裏而楊宗濂與李閣督聞祇有世誼并非兒女姻親臣前次回湘路過新關楊宗濂避匿未面此次又已先期告假回籍是否有意規避雖未可

奏稿卷五十八

望

知而查詢楊宗濂素日聲名平常性情浮動則眾論相同無代其剖白者臣見派後路糧臺委員張淩斗前赴新關提取竹木稅票根帳目簿據互加核對冀可得其確實情形惟竹木以及百貨均有暢旺衰歇月分釐稅因之增減每日早晚亦難一律原奏稱督署正款每日七百五十餘兩按日科算取盈似無是事臣此次往返湘鄂見竹筏木簿之停泊江干者寥寥無幾若每日照章收銀商販從何措繳由此以推秋冬水涸每歲常事不能合併科算則歲入百餘萬兩之說未足爲憑非調取票根與收稅底簿核對固無從得其實據也擬俟查取票根底簿傳楊宗濂到案質詢方昭核實楊宗濂籍隸金匱已札飭該管道府催令迅赴江甯問話如

仍敢避匿延抗再由臣催提發審以期核實原奏鹽船番舶往來江海一節自指近年購備輪船而言輪船行駛迅捷遠勝江船沿江各省出價購備爲解餉護運遞送函報搭載差務之用費省期速官私均稱便益湖廣購置大小輪船三號亦與江皖同其往來江海本非裝運貨物惟行之既久藉官船而運私貨希圖免釐諸弊實由此而起咎由船戶水手及押運委員之弊混及各局卡之知情故縱各省諒亦相同謂立法擇人隨時補救事所當然謂當事疏於檢察亦有應受之公過若徑指總督藉公營利徒便私圖又無所指實以憑核辦則深文巧詆何以持情法之平此固無庸深辯者也原奏李瀚章於揚州蕪湖開設質庫一節臣面詢李瀚

奏稿卷五十八

吳

章有無其事據稱聞伊五弟李鳳章於蕪湖雇夥開設典當一所是實與伊無涉彭祖賢亦稱此外別無所聞臣又訪得揚州有李氏當舖一所上年被火焚燬曾經賠出未經取贖各票錢三十二萬餘緡一事是原奏不爲無因揚州蕪湖皆兩江轄境臣已飛飭該管道府查覆到任後再加察核卽具摺詳陳以昭核實原奏湖北防軍每營雖稱五百名實僅二百名口糧悉爲營官侵蝕火長夫銀悉歸統領侵蝕所冒領之軍器軍裝變賣分肥臣按言者所陳各情節實各省通弊臣就所歷閩浙陝甘等處言之無不如此大約所設制兵有額數花名年貌籍貫可查有外額千把都司守備節節管轄又有副將參將分營路管理兵有缺不補則伍額空

虛一經點驗便難掩飾如有冒混亦易發覺至於召募勇夫則多非本地土著來去靡常餉足令嚴尙期整飭一律否則時聚時散人數倏多倏少難以究詰點驗之初所稱額足人強者踰時不能備伍而以老弱充數者比比皆是矣欲除此弊還在擇人取人以廉樸耐苦爲上副參以上固應慎擇而專任之下至外額千把亦未可忽勇營以營官爲要而哨官什長亦未可忽斯皆與兵勇親切之人戰陣領隊操防赴功成敗利鈍皆係乎此一營得人則一營之事治一哨一隊得人則一哨一隊之兵勇強其效未可求之一時也恩恩點驗則雇人應名站隊亦武職所優爲究竟於事何益臣不敢虛詞塞責至督署油燭紙張津貼聞向由中軍經理事

奏稿卷五十八

七

屬細微臣亦未暇過問以上所查情節關重大概情形如此至漢黃德道何維鍵同治三年到省時在前督臣官文任內光緒二年署事光緒三年補缺均由前署督臣翁同爵出奏其時李瀚章方赴滇查案尙未回任李瀚章浙撫任內喪偶并未續娶原奏何維鍵之妻認其妻爲義女自是傳聞之誤不待查也候補道瞿廷韶解餉失鞘銀一萬二千兩部議援案免賠在先鄂省以前充釐局提調另案奏免處分在後經部議駁均經奏明非藩司爲之開脫可知原奏候補知縣宋熙會貪酷一節查宋熙會歷署襄陽府屬各縣均與河南南陽府境緊連是處民俗強悍刁痞游勇橫行無忌非嚴以治之不可宋熙會所至以除暴爲先其獲犯就地正法

之案皆遵督撫批示而行并非專擅蘄州任內辦理刁民陳純粹糾眾滋事一案惟有燒燬魯姓梅姓房屋之事通山縣雋姓命案經司道合審詳辦亦無不追不辦之事所有各節撫臣彭祖賢言之尤詳臣訪諸輿論均以宋熙曾爲棘手卻無有議其操守與被入媚上者惟刑政原以濟德禮之窮概以施之終非善治臣與督撫臣議當諭令宋熙曾時以尙德緩刑爲念乃免咎責庶可爲勇於任事者勸也竊惟李瀚章一門遭際

聖時以功名顯其親黨交遊能自樹立文員自監司以上武職自提鎮以下實不乏人應如何爭自濯磨以承

恩眷惟勛伐旣高依附者眾當時隨從立功身致富貴者又各有

奏稿卷五十八

吳

其親友展轉依附實繁有徒久之倚勢妄爲官司礙難處置則姑容之鄉里受其凌藉則隱憾之賢者不肯規以正言懦者深其忌嫉謠詠紛興事端疊出洵非家門之福宜以身作則毋與邦人士爭勢競利遇事斂抑免爲怨府其李鴻章李瀚章所難盡言者臣等忝任疆圻亦當盡心化誨俾知以義爲利各思保世承家爲報國之本則李氏親友之福亦李鴻章李瀚章一門之福也昨抵安慶與撫臣裕祿及司道等言及亦均以爲然謹一併陳明伏乞

皇太后

皇上訓示至此次查出各員管理新關竹木稅布政使銜湖北候

補道楊宗濂貪鄙狡詐應請

旨先行革職聽候查辦漢黃德道何維鍵庸輒無能應請
旨開缺送部引

見候補知府李謙性喜圓通難期振作應請

旨交撫臣察看甄別餘容續奏臣拜摺後卽日駛赴江甯於十二
月二十四日接篆任事循例再報到任日期謹 奏

光緒七年十二月二十六日內閣奉

上諭左宗棠奏遵旨查辦事件先行覆陳大概情形一摺湖北候
補道楊宗濂著先行革職聽候查辦湖北漢黃德道何維鍵著卽
開缺送部引見湖北候補知府李謙著交彭祖賢察看甄別其餘
應查事件仍著左宗棠詳細查明據實具奏欽此

恭報接受兩江督鹽篆務日期謝

恩摺光緒七年十一月二十四日

奏為恭報微臣接篆日期叩謝

天恩仰祈

聖鑒事竊臣欽奉

恩命補授兩江總督兼充辦理通商事務大臣當經具摺叩謝

天恩并懇

賞假兩箇月回籍省墓就便查閱長江水師會商上游布置事宜

奉

旨依議欽此臣跪聆

聖訓後於十月十八日由京起程十一月二十五日行抵湖南長

奏稿卷五十八

辛

沙旋至湘陰故里省視先墓祭掃畢事十二月初八日登舟沿湖
踰湖由長江順流東下沿途察看水師安營處所并與各督撫提
臣會籌布置事宜十二月二十二日行抵江南省城二十四日准
前督臣劉坤一飭委江甯府知府趙佑宸中軍副將譚碧理恭齋
兩江總督關防兩淮鹽政印信

欽差通商大臣關防并

王命旗牌文卷等件移交前來臣當即恭設香案望

闕叩頭謝

恩祇領任事伏念兩江地大物博任重事繁加以華洋交涉大局
所關海防尤為要務臣識迂才淺尤懼弗勝惟有殫竭血誠黽勉

從事以期仰答

高厚鴻慈於萬一所有

微臣

接印日期除循例恭疏

題報外謹專摺具奏伏乞

皇太后

皇上聖鑒訓示再

臣

接篆正在封印期內開用後仍卽敬謹封固

合併聲明謹 奏

軍機大臣奉

旨知道了欽此

請調道員王加敏周崇傳來甯差委摺光緒七年十二月二十五日

奏為兩江事務殷繁請調員差委以資臂助恭摺仰祈

聖鑒事竊臣欽奉

恩命補授兩江總督兼充辦理通商事務大臣茲已馳抵江甯接篆任事竊維江南地廣事繁洋務鹽務尤關緊要臣以衰病之軀謬當斯任雖有生之日皆報

國之年而智慮難周深虞貽誤況親承

慈訓以得人而理藉分勞勩為先尤當加意搜求聊資指臂之助竊見二品頂帶布政使銜湖南候補道王加敏公正廉明操履篤實與臣共事已久相知最深前委辦理臺局各務二十餘年事必躬親人言無間鹽運使銜甘肅儘先補用道周崇傳品清望峻剛

奏稿卷五十一

五

明耐苦操守之嚴實一時所僅見洵堪鎮浮式靡如蒙

俞允應請

旨敕下陝甘督臣催令該員等迅速前來俾資委用至王加敏所遺陝甘後路糧臺需員接辦臣已函商

欽差大臣督辦新疆軍務臣劉錦棠陝甘督臣譚鍾麟即就近札委見署湖北鹽道惲祖翼接辦必期勝任無疑鄂臺諸務久經王加敏經理端緒可尋而微臣既督兩江所有應協西征餉項暨老湘營專餉尤當盡力維持隨時挹注儘可無虞掣肘至此外堪調江南差遣者實不乏人容即陸續具奏請

旨謹一併預陳伏乞

皇太后

皇上聖鑒訓示謹 奏

軍機大臣奉

旨另有旨欽此

奏稿卷五十八

三

